




# Kostaldeko Done Jakue Bidea

Donostia San Sebastián → Orio → **ETAPA** Zarautz → Getaria → Zumaia → Deba



Ibilbidearen mapa

Ibilbidearen profila

Ibilbidearen deskribapena

Erronesentzako aterpea

Ostatuak

Jatetxeak

Turismo bulegoa





**ETAPA**  
**Zarautz → Getaria**



HASIERA








ETAPA

# Zarautz → Getaria



HASIERA



→ Zarautz eta Getaria arteko etapak bi aukera eskaintzen ditu: lehenak jatorrizko bideari jarraitzen dio, itsasertzeko amildegietatik aparte samar dagoen bide zaharrari, eremu garaiko baserri eta ermitak lotzen dituenari; bigarrenak, berriz, itsasoaren ertzetik bertatik jarraitzen du, itsasertzeko N-634 errepidearen ondoan egokitutako pasealeku berritik, XIX. mende amaierako ingeniari-obra handi horretatik, alegia.

## Santa Barbarako bidea

Bide hau Zarauzko alde zaharretik abiatzen da, parrokiaren eta Kanpantorrearen ondo-ondotik, eta Aldapetako maldan gora egiten du; galtzada honek lotzen zituen garai batean Zarautz eta Getaria. Hasieran oso bide maldatsua da, eta Santa Barbara mendira igotzen da, mendebalderanzko noranzkoan. Galtzadaren zati hau Gipuzkoako



Santa Barbara



Santa Barbara



Zarautz



Zarautz - Getaria

kostako ibilbidean aurki daitezkeen artean ondoen kontserbatutakoen artean dago. Galtzada berehala urruntzen da hiri-inguruetik, eta Vista Alegre parkea inguratu ondoren, Zarauzko txakolin-mahasti zaharren artean jarraitzen du. Txakolina, izan ere, Zarautz eta Getaria artean hedatzen den lurraldeko nekazaritza-produktu nagusietako bat da. Txakolinaren ekoizpenari buruzko lehen erreferentziak Erdi Aroraino garamatzate, mahasgintza Gipuzkoako itsasbater osora hedatzen zen garaira, hain zuen. Txakolina inguruko biztanleen ohiko kontsumorako ekoizteaz gain, XVI. mendetik aurrera soberakinei beste erabilera bat ematen ere hasi ziren, baleak ehizatza eta bakailaoa arrantzatza Ternuko eta Artikoko itsasoetara joaten ziren arrantza-ontzien hornikuntzarako erabiltzen hasi baitziren. Edari honen berezitasunen artean, aipagarria da marinelen artean eskorbutoa saihesteko zuen gaitasuna. Halere, denborarekin, txakolinaren ekoizpen-eremua murrizten joan zen pixkanaka, eta, XX. menderako, itsasertzeko sektore txiki batek baino ez zuen jarraitzen edari honen laborantzan eta ekoizpenean. Zorionez, txakolinaren ekoizpena berriro indartu da gaur egun, eta produktuaren kalitatean oinarritutako hedapen-fase berri bati ekin dio.



Galtzadaren maldaren goialdera iritsita, gailurrera gerturatuko gaituen saihesbide txikia hartuko dugu, eta Santa Barbarako baserri eta ermitarekin egingo dugu topo. Eraikuntza honen kokalekua bikaina da benetan, ondoko amildegi handiaren gainera airetiko ikusmira paregabea baitago: Zarauzko itsasertz guztiaz gain, Euskal Herriko itsasertzaren ekialdeko zatia ere ikus daiteke, Baionara arte. Santa Barbara, ekaitzen eta tximisten aurkako santu babeslea, oso miretsia izan zen beti herritarren artean, eta herriko patroietako bat izatera ere iritsi zen. Mirespen eta debozio horien ondorioz, arrantzale zarauztarrek, mendeetan zehar, harrapatzen zuten balea bakoitzeko opari bat ekartzen zioten santuari. Santa Barbarako ermita bera Zarauzko arrantzaleen ekimenez eraiki zen XVIII. mendearen hastapenetan.



Getaria



Getaria

Atzean utzi dugun bideari helduko diogu berriro ere, eta beste galtzada-zati batzuetatik jarraituko dugu aurrera, pixkanaka gorantz eginez. Laster, aldapatxo baten eta bihurtune txiki baten ondoren, ikusmira berri bat zabalduko zaigu begien aurrean: mendebalderantz begiratu gero, Getariako ikuspegiak gozatu ahal izango dugu; herria dagoeneko muinoa batetik, eta ondoan daukan San Anton mendia bestetik, garai batean uharte izandakoa, XV. mendean portua eraikitzeke lanen ondoren lehorrari lotuta gelditu zen lur-zatia.



Getaria



Getaria

Bideak aldaparik gabe egiten du aurrera baserri zaharren artean. Horieta bazuak, Garro baserriak adibidez, Erdi Aroko eraikuntza-elementu interesgarriak gordetzen dituzte. Ibilbide osoan zehar itsasoaren ikuspegi liluragarriez gozatu dugu, eta txakolin-sailak nahiz edari bikain hau egiten duten bodega edo txakolindegia ikusiko ditugu nonahi. Azkenik, bidea asfalto-pista bilakatuko da, ondoren errepide, eta bertatik beherantz jarraituko dugu Getariaren herrigunera iritsi arte.

Getariaren herrigune historikoa itsasbazterrean kokatua dago, amildegien gainean eraikia eta San Anton mendiak babestua. Zarauzko jauregian eta ondoko San Salvador parrokiaren azken urteotan egindako arkeologia-indusketek erakutsi dutenez, Getariaren populatzea erromatarren garaian hasi zen, gerora itsasoko jardueretan arituko zen komunitate bat bertan kokatu zenean. Geroago, Goi Erdi Aroan, komunitate horretako biztanleek balearen ehizari ekin zioten, eta harrezkero jardura hura izan zen beren ekonomiaren oinarrietako bat, herriaren garapen ekonomiko eta sozialaren bultzatzaile nagusia.

Gaztelako errege Alfontso VIII.ak 1209an sortutako herri hau Gipuzkoako portu nagusietako bat izan zen mendeetan zehar.





